



FONDACIJA  
ZA MUZIČKE, SCENSKE  
I LIKOVNE UMJETNOSTI  
SARAJEVO

**Broj:** 04-3-40-1/26

**Datum:** 16.04.2026.

Na osnovu ovlaštenja iz člana 8. Statuta Fondacije za muzičke scenske i likovne umjetnosti Sarajevo V broj: 540/2008 od 18.06.2008. godine, broj: 02-50/09 od 24.04.2009 i broj: 02-172/2009 od 02.12.2009. godine, Upravni odbor Fondacije za muzičke scenske i likovne umjetnosti, na 7. sjednici održanoj 15.04.2026. donosi:

## ODLUKU

**o poništenju Konkursa/Natječaja za izbor Predsjednika i članova Žirija za vrednovanje umjetničkih djela iz oblasti likovne umjetnosti, prispjelih na Konkurs/Natječaj za izbor korisnika sredstava Fondacije za muzičke, scenske i likovne umjetnosti za 2025. godinu za poziciju OTKUP UMJETNIČKIH DJELA**

### I

Poništava se Konkurs/Natječaj za izbor Predsjednika i članova Žirija za vrednovanje umjetničkih djela iz oblasti likovne umjetnosti, prispjelih na Konkurs/Natječaj za izbor korisnika sredstava Fondacije za muzičke, scenske i likovne umjetnosti za 2025. godinu za poziciju OTKUP UMJETNIČKIH DJELA, objavljen dana 13.1.2026. godine u dnevnim listovima - "Večernji list", "Oslobođenje" i na web stranici Fondacije za muzičke, scenske i likovne umjetnosti.

### II

Ova Odluka stupa na snagu danom donošenja i objavit će se u dnevnim listovima - "Večernji list" i "Oslobođenje" te na web stranici Fondacije za muzičke, scenske i likovne umjetnosti.

## OBRAZLOŽENJE

Upravni odbor Fondacije za muzičke, scenske i likovne umjetnosti je na 7. sjednici održanoj 15.04.2026. godine donio Odluku broj **04-3-40/26 od 15.04.2026. godine** kojom je poništen Konkurs/Natječaj za izbor korisnika sredstava Fondacije za 2025. godinu, iz razloga detaljno obrazloženih u predmetnoj odluci, a koji se odnose na utvrđene značajne neusklađenosti konkursne/natječajne dokumentacije sa važećim propisima, uključujući relevantne odluke Vlade Federacije Bosne i Hercegovine, kao i obavezujuće Smjernice o minimalnim standardima dodjele proračunskih sredstava putem transfera i subvencija u Federaciji Bosne i Hercegovine.

Konkurs/Natječaj za izbor Predsjednika i članova Žirija za vrednovanje umjetničkih djela iz oblasti likovne umjetnosti, za poziciju otkupa umjetničkih djela, predstavlja postupak koji je

neposredno vezan za provedbu navedenog osnovnog konkursa, te je s njim u funkcionalnoj i pravnoj vezi.

S obzirom na to da je osnovni konkurs poništen navedenom Odlukom, prestala je pravna osnova za provođenje postupka izbora Žirija, kao i za daljnje aktivnosti u vezi s njegovim radom. Naime, svrha imenovanja Žirija jeste vrednovanje prijava pristiglih na osnovni konkurs i davanje stručnih prijedloga u postupku raspodjele sredstava, što u konkretnom slučaju više nije moguće.

Daljnje provođenje postupka po predmetnom konkursu za izbor Žirija, u odsustvu važećeg i zakonito provedenog osnovnog konkursa, bilo bi protivno načelima zakonitosti, efikasnosti i ekonomičnosti, te bi moglo prouzrokovati dodatne pravne i faktičke posljedice.

Imajući u vidu da je predmetni konkurs akcesorne prirode u odnosu na osnovni konkurs, kao i potrebu osiguranja zakonitog, transparentnog i svrsishodnog trošenja budžetskih sredstava, Upravni odbor Fondacije je odlučio kao u dispozitivu ove Odluke.

## **UPRAVNI ODBOR FONDACIJE**

**Alen Čustović**

### **Dostavljeno:**

- Web stranica Fondacije,
- Na objavu u tiskovine,
- Federalno ministarstvo kulture i sporta (na znanje),
- Evidencija,
- a/a.